

書名 廣文選八十二卷 嘉靖
十二年序刊本
撰者 明 劉節 輯
卷 卷五十四
內容分類 集-總集-詩文
索書號 大木-集部-總集類-3
編號 D7920300

卷五十四

廣文選卷第一



天地廣

天地賦

成公子安

明通議大夫都察院右副都御史大庾劉節廣



惟自然之初載兮道虛無而玄清太素紛以溷淆兮始
有物而混成何元一之芒昧兮廓開闢而著形爾乃清
濁剖判玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
方流形品物鼓以雷霆潤以慶雲八風翱翔

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所
使用上的注意事項

知斬濫竽自耻譬斯袁紹畏見子將同彼盜牛遙羞王
烈相思不見我勞如何

廣文選卷第五十三

江都葛澗校

廣文選卷第五十四

明通議大夫都察院右副都御史大庾劉節廣

檄

告青徐檄

伏伯文

乃者猾臣王莽殺帝盜位宗室興兵除亂誅莽故羣下
推立聖公以主宗廟而任用賊臣殺戮賢良三王作亂
盜賊從橫忤逆天心卒為赤眉所害皇天祐漢聖哲應
期陛下神武奮發以少制衆故尋邑以百萬之軍潰散
於昆陽王郎以全趙之師土崩於邯鄲大彤高明望旗
消靡鐵脛五校莫不摧破梁王劉永幸以宗室屬籍爵
為侯王不知厭足自求禍棄遂封爵牧守造為許逆今
虎牙大將軍屯營十萬已拔睢陽劉永奔迸家已族矣

此諸君所聞也不先自圖後悔何及

答雍閩檄

呂季平

天降喪亂奸雄乘釁天下切齒萬國悲悼臣妾大小莫不思竭筋力肝腦塗地以除國難伏惟將軍世受漢恩以爲當躬聚黨衆率先啓行上以報國家下不負先人書功竹帛遺名千載何期臣僕吳越背本就末乎昔舜勤民事隕于蒼梧書籍嘉之流聲無窮崩于江浦何足可悲文武受命成王乃平先帝龍興海內望風宰臣聰睿自天降康而將軍不覩盛衰之紀成敗之符譬如野火在原蹈履河冰火滅冰泮將何所依附曩者將軍先君雍侯造然而封竇融知興歸志世祖皆流名後葉世歌其美今誦葛丞相英才挺出深觀未萌受遺託孤翊贊季興與衆無已錄功忘瑕將軍若能翻然改圖易跡更步古人不難追鄙土何足宰哉蓋聞楚國不恭齊相是責夫差僭號晉人不長況臣於非主誰肯歸之邪竊惟古義臣無越境之交是以前後有來無往重承告示發憤忘食故略陳所愚惟將軍察焉

討桓玄檄

宋武帝

夫成敗相因理不常泰狡焉肆虐或遇聖明自我大晉屢邁陽九隆安以來皇家多故貞良弊於豺狼忠臣碎於虎口逆臣桓玄敢肆陵慢阻兵荆郢肆暴都邑天未忘難凶力寔繁踰年之間遂傾皇祚主上播越流幸非所神器沈辱七廟毀隊雖夏后之罹況禮有漢之遭恭卓方之於茲未足爲踰自玄篡逆于今歷載彌年亢

早人不輒生士庶疲於轉輸文武困於版築室家分析
父子垂離豈唯大東有杼軸之悲標梅有頊筐之怨而
已哉仲觀天文俯察人事此而可有孰有可亡凡在有
心誰不扼腕裕等所以叩心泣血不遑啓處者也是故
夕寐宵興揆獎忠烈潛構崎嶇過於履虎乘機奮發義
不圖全輔國將軍劉毅廣武將軍何無忌鎮北主簿孟
昶兗州主簿魏詠之寧遠將軍劉道規龍驤參軍劉藩
振威將軍檀憑之等忠烈斷金精貫白日尙戈俟奮志
在畢命益州刺史毛璩萬里齊契掃定荆楚江州刺史
郭昶之奉迎主上官子尋陽鎮北將軍王元德等並率
部曲保據石頭揚武將軍諸葛長人收集義士已據歷
陽征虜參軍庾曠之等潛相連結以爲內應同力協契
所在盜起即日斬僞徐州刺史安成王脩青州刺史弘
義衆旣集文武爭先咸謂不有一統則事無以緝裕辭
不獲命遂總軍要庶上憑祖宗之靈下罄義夫之節翦
馘逋逆蕩清京華公侯諸君或世樹忠貞或身荷爵寵
而並俛眉猾豎無由自效顧瞻周道寧不弔乎今日之
舉良其會也裕以虛薄才非古人受任於旣頽之運契
接於已替之機丹成未宣感慨憤激望霄漢以求懷眄
山川以增佇投檄之日神馳賊庭

對問

答壺遂問

司馬子長

上大夫壺遂曰昔孔子爲何而作春秋哉太史公曰余
聞董生曰周道衰廢孔子爲魯司寇諸侯害之大夫壺

之孔子知言之不用道之不行也是非二百四十二年之中以爲天下儀表貶天子退諸侯討大夫以達王事而已矣子曰我欲載之空言不如見之於行事之深切著明也夫春秋上明三王之道下辨人事之經紀別嫌疑明是非定猶與善善惡惡賢賢賤不肖存亡國繼絕世補敝起廢王道之大者也易著天地陰陽四時五行故長於變禮綱紀人倫故長於行書記先王之事故長於政詩記山川谿谷禽獸草木牝牡雌雄故長於風樂樂所以立故長於和春秋辯是非故長於治人是故禮以節人樂以發和書以道事詩以達意易以道化春秋以道義撥亂世反之正莫近於春秋春秋文成數萬其指數千萬物之散聚皆在春秋春秋之中弑君三十六亡國五十二諸侯奔走不得保其社稷者不可勝數察其所以皆失其本已故易曰差以毫釐謬以千里故臣弑君子弑父非一朝一夕之故也其漸久矣有國者不可以不知春秋前有讒而不見後有賊而不知爲人臣者不可以不知春秋守經事而不知其宜爲人君父者而不通於春秋之義者必蒙首惡之名爲人臣子不通於春秋之義者必陷篡弑誅死之罪其實皆以爲善爲之不知其義被之空言而不敢辭夫不通禮義之指至於君不君臣不臣父不父子不子君不君則犯臣不臣則誅父不父則無道子不子則不孝此四行者天下之大過也以天下之大過予之受而不敢辭故春秋者禮義之大宗也

對事

麗文勝

客問酈炎曰吳王曷不傳而傳兄弟四人傳者將以致國乎季扎季扎不受雖有僚立闔閭之弒春秋猶以不受爲義不煞爲仁而栢譚以吳之篡弒滅亡釁由季扎扎不思上放周公之攝位而不慕曹臧之謙讓名已細矣春秋之趨豈謂尔乎炎曰夫四王之輕命致國乎季子謂其能流慶百世也季子不受內有篡煞之亂外致滅亡之禍雖知潔已之可爲不惟宗廟之絕祀其痛矣問曰周制諸侯父死子繼若扎從先私志受非所繼是浮行豈節義之謂與闔閭之欲國蓋緣扎之雅意故曰季子雖至不吾廢也今如吾子之云則君子何稱乎炎曰光知季子仁而無權故肆意焉季子不能討是則春秋所譏仁而不武無能達也子之云公羊也以父命辭王父命以王父命辭父命不以家事辭國政衛輒拒父猶謂之可况以國治篡弒之子乎祭仲行權公羊嘉之云君可以死易生國可以存易亡季子不然猶可善乎此蓋公羊之失非義之通者也周公誅二叔不爲不仁宋穆受兄國不爲不義君子急病而讓夷故踐明堂朝諸侯非榮其位爲時之急也以季子之才君國子民行化四方與夫勾踐相去幾何若令向時見國危亂慕周公急時之義思先君致國之意攝政持統邁其威德奚翅僊都瑯琊尚征上國朝齊宋鄭魯衛執王之君哉孔子稱可與立道未可與權權反經而善聖之達節者也季子守節之士故非其量度乎問者因又謂炎

曰古者聖人封建諸侯皆云百里取象於雷雷何取也
炎曰易震為雷亦為諸侯雷震驚百里曰何以知之炎
曰以其數知之夫陽動為九其數卅六陰靜為八其數
卅二震一陽動二陰靜故曰百里問者稱善

對臺詰辭

郎雅光

臺詰顛曰對云白虹貫日政變常也朝廷率由舊章何
所變易而言變常又言當大蠲法令革易官號或云變
常以致災或改舊以除異何也又陽嘉初建復欲改元
據何經典其以實對顛對曰方春東作布德之元陽氣
開發養導萬物王者因天視聽奉順時氣宜務崇溫柔
遵其行令而今立春之後考事不息秋冬之政行乎春
夏故白虹春見掩蔽日曜凡邪氣乘陽則虹蜺在日斯
皆陛下執事刻急所致此其變常之咎也又今選舉皆
歸三司每有選用輒參之掾屬公府門巷賓客填集送
出迎來則貨無已其當遷者競相薦謁各遣子弟克塞
道路開長姦門與致浮偽非所謂率由舊章也尚書職
在機衡宮禁嚴密私曲之意元不得通選舉之任不如
還在機密又孔子曰漢三百載斗歷改三百四歲為一
德五德千五百二十歲五行更用王者隨天譬猶自春
徂夏改青服絳者也自文帝省刑適三百年而輕微之
禁漸以殷積王者之法譬猶江河當使易避而難犯故
易曰易則易知簡則易從易簡而天下之理得矣今去
奢即儉以先天下改易名號隨事稱謂易曰君子之道
或出或處同歸殊塗一致百慮是知變常而善可以除

災變常而惡必致於異今年仲竟來年入季仲終季始
歷運變改故可改元所以順天道也臣愚不足以答聖
問

月令問答

蔡伯喈

問者予何為著月令說也予幼讀記以為月令體大經
問不宜與記書雜錄並行而記家記之又略及前儒特
為章句者皆用其意傳非其意傳非其本旨又不知月
令議徵驗布在諸經周官左傳曰親與禮記通第而不
為徵更生他意橫者綽綽久矣光和元年余被于章離
重罪從朔方內有儉稅敵衝之豐外有寇虜鋒鏑之艱
危險凜凜死亡無日過被學者聞家蓋而志之亦自有
所覺寤庶幾頗將事情而託未有注記著於文字也懼
顛蹶隕墜所以示及事總真君子而懷之朽腐思誠之
九書有陰陽升降天文曆數事制度可假以為本敦辭
託說以辰之象象要者莫大臣今故遂於憂怖之中晝
夜密勿昧成之旁貫五駐參已羣晝至及國家律令制
度遂之曆數盡天地三光之情辭繁文而曼衍非所謂
理約而達也道長曰短輿危殆兢取其心盡而已故不
能復刪省蓋所以顯探辨物多識前言往行之流也苟
便學者以為可覽之則余死而不朽也問者曰子說月
令多類以周官左氏假無周官左氏傳月令為無說乎
曰夫根柢祠則枝葉必相從也月令與周官並為時任
政令之記異文而同體官名百職皆周官解月令甲子
沈子所謂以春秋也若夫太昊蓐收勾芒祝融之屬左



傳造義強說生名者同是以用之問者曰既用古文於曆數不用三統用四分何也日月令所用參諸曆象非一家之事傳之於事不曉學者宜以當時所施行夫密近者三統已踈闊廢固不用也問者曰既不用三統以驚蟄為孟春中雨水為三月節皆三統法也獨用之何曰孟春月令曰蟄虫始震在正月也中春始雨水則雨水二月也以其合故用之問者曰曆云季夏節也而今文見於五月何也曰今不以曆節言據時始暑而記也曆於大雪小雪大寒小寒皆去十五日然則小暑當去大暑十五日不得及四十五日不以節言據時暑也問者曰中春令不用犧牲以珪璧更日祈不犧牲何也曰是月獻與太牢祀高禘宗廟之祭以中月安得用犧牲祈者求之祭也著令者豫設水旱疫癘當禱祈用犧牲者是用之助生養傳祈以幣代牲令章句因於高禘之事乃造說曰更者刻木牲如何有禘更此說自欲極矣經典傳說無刻代牲之說此故以為問甚正其祀之宗伯似書有轉設三豕渡河之類也問者曰仲冬令曰奄尹申宮令謹謹門闈也曰闈尹官者內官也主宮室出入宮中之門曰闈闈尹之職也問里門非闈尹所主知當闈也問者曰令曰七騶咸駕今日騶何也曰本官職者莫正於周官周官天子馬六種六種一騶故六騶左氏傳晉程鄭為乘馬御六騶屬馬無言七者知當為六也問者曰令以中秋築城郭於經傳為其時非詩曰定之方中作于楚宮定營室也九月十月之

交西南方中故傳曰小昏正而栽水即營室也昏正者
昏中也栽殺板栽而始築也今文在前一月不合於經
傳也問者曰子說三難皆以行為本古論周官禮記說
以為但遂惡而已獨安取所之曰取之於月令而已四
時通等而夏無難文曰日行也春行少陰秋行少陽各
行太陰陰陽皆使不於其類故冬春難以助陽秋難以
達陰至夏節太陽行太陰自得其類無所扶助獨不難
取之於是也問者曰反令每行一時轉三句以應行三
日政也夏春行夏令則雨水不時謂行夏也草木旱枯
申夏也國乃有恐孟夏也令總合為一事不分別施之
於三月何也曰然者見其三句不得傳注而為之說
所通有所滯礙不但行矣孟秋反令行各令則草木枯後
乃大水敗其城郭以故則也則分為三事後乃大水在
誰後也城郭為獨自壞非水所為也季冬令曰行春令
則胎夭多傷民多蠱疾命之曰逆即分為三事行季冬
令為不敢災異但命之曰逆也知不得斬絕東應一月
也其類皆如此令之所述略舉尤者也問春食麥羊夏
食菽雞魚之屬但以為時味之宜不合之於五行月令
服食器械之制皆順五行者也說所食獨不以五行不
已略乎曰盡所思之矣凡十二辰之禽五時所食者必
家人所畜丑牛未羊戌犬酉雞亥豕而已其餘龍虎以
下非食也春木王勝故土王四季四季之禽牛屬季夏
犬屬 故曰未羊可以為春食也夏火王火勝金酉
雞可以為夏食也季夏土王土勝水當食豕

而食牛土五行之尊者牛五畜之大者四行之牲無足以配土德者故以牛為季夏食秋金王金勝木寅虎非可食者犬豕而無角虎屬也故以犬為秋食也冬水王水勝火當食馬而禮不以馬為牲故以其類而食豕也然則麥為菽為金麻為木黍為水冬配其牲為食也雖有此說而米塩精粹不合於易卦所為之禽及洪範傳其事之畜近自卜筮之術故餘略之不以為章句聊以應問亦有說而已問記曰養三老五更子獨曰五叟周禮曰八十一御妻又曰御妾何也曰字誤也叟長老之稱也其字與更相似書者轉誤遂以為更嫂字女旁叟瘦字中叟今皆以為更矣立學法不形聳何得以為字以嫂瘦矜之知是更為嫂也妻者齊也惟一適人稱妻其餘皆妾位最在下也是以不得言妻云也

問

天問

屈原

曰遂古之初誰傳道之上下未形何由考之冥昭瞢瞢誰能極之馮翼惟像何以識之明明闇闇惟時何為陰陽三合何本何化圜則九重孰營度之惟茲何功孰初作之幹管維焉繫天極焉加八柱何當東南何虧九天之際安放安屬隅隈多有誰知其數天何所沓十二焉分日月安屬列星安噉出自湯谷次于蒙汜自明及晦所行幾里夜光何德死則又育厥利維何而顧菟在腹女岐無合夫焉取九子伯強何處惠氣安在何闔而晦何開而明角宿未旦曜靈安臧不任汨鴻師何以尚之



僉曰何憂何不課而行之鴟龜曳銜鮫何聽焉順欲成
 功帝何刑焉來過在羽山夫何三年不施伯禹腹鮫夫
 何以變化纂就前緒遂成考功何績初繼業而厥謀不
 同洪泉極深何以寘之地方九則何以墳之應龍何畫
 河海何歷鮫何所營禹何所成康回憑怒墜地何故以
 東南傾九州安錯川谷何沓東流不溢孰知其故東西
 南北其脩孰多南北順隳其衍幾何崑崙縣圃其尻安
 在增城九重其高幾里四方之門其誰從焉西北辟啓
 何氣通焉日安不到燭龍何照羲和之末揚石華何光
 何所冬暖何所夏寒焉有石林何獸能言焉有龍虬負
 熊以遊雄虺九首儵忽焉在何所不死長人何守靡萍
 九衢泉華安居靈蛇吞象厥大何如黑水玄趾三危安
 在延年不死壽何所止鯀魚何所魋堆焉處羿焉彈日
 鳥焉解羽禹之力獻功降省下土方焉得彼僉山女而
 通之于台桑閔妃匹合厥身是繼胡為嗜不同珠而快
 鼉飽啓代益作后卒然離蠶何啓惟憂而能拘是達皆
 歸歟籟而無害厥躬何益作革而禹播降啓棘賓商九
 辯九歌何勤子屠母而死分竟地帝降夷羿革孽夏民
 胡羿歟夫何伯而妻彼雒嬪馮珧利決封豨是歟何獻
 蒸肉之膏而后帝不若浞娶純狐眩妻爰謀何羿之歟
 革而交吞揆之阻窮西征巖何越焉化為黃熊巫何活
 焉咸播秬黍莆蕝是營何曰并投而鮫疾脩盈白蜺嬰
 弗胡為此堂安得夫良藥不能固臧天式從橫陽離爰
 死大鳥何鳴夫焉喪厥體萍號起雨何以興之撰體脅



鹿何以膺之鼇載山抃何以安之釋舟陵行何以遷之
 惟澆在戶何求于嫂何少康逐犬而顛隕厥首女岐縫
 裳而館同爰止何顛易厥首而親以逢殆湯謀易旅何
 以厚之覆舟斟尋何道耿之桀伐蒙山何所得焉妹嬉
 何肆湯何極焉舜閔在家父何以鰥堯不姚告二女何
 親厥萌在初何所億焉璜臺十成誰所極焉登丘為帝
 孰道尚之女媧有體孰制匠之舜服厥弟終然為害何
 肆犬豕而厥身不危敗吳獲迄古南嶽是止孰期去斯
 得兩男子緣鵠飾王后帝是饗何承謀夏桀終以滅喪
 帝乃降觀下逢伊摯何條放致罰而黎服大說簡狄在
 臺馨何宜玄鳥致貽女何喜該秉季德厥父是臧胡終
 弊于有扈牧夫牛羊于協時舞何以懷之平魯曼虜何
 以肥之有扈牧豎云何而逢繫牀先出其命何從恒秉
 季德焉得夫朴牛何往營班祿不但還來昏微導迹有
 狄不寧何繁鳥萃棘負子肆情眩弟並淫危害厥兄何
 變化以作詐而後嗣逢長成湯東巡有莘爰極何乞彼
 小臣而吉妃是得水濱之木得彼小子夫何惡之媵有
 莘之婦湯出重泉夫何罪尤不勝心伐帝夫誰使挑之
 會鼃爭盟何踐吾期蒼鳥羣飛孰使萃之列擊紂躬叔
 且不嘉何親揆發定周之命以咨嗟授殷天下其位安
 施反成乃亡其罪伊何爭遣伐器何以行之並驅擊翼
 何以將之昭后成遊南土爰底厥利維何逢彼白雉穆
 王巧梅夫何周流環理天下夫何索求妖夫曳銜何號
 于市周幽誰誅焉得夫褒姒天命反側何罰何佑齊桓

九合卒然身殺彼王紂之躬孰使亂惑何惡輔弼讒諂
是服比干何逆而抑沈之雷開何順而賜封之何聖人
之一德卒其異方梅伯受醢箕子佯狂稷維元子帝何
竺之投之于冰鳥何燠之何馮弓挾矢殊能將之既驚
帝切激何逢長之伯昌號衰秉鞭作牧何令徹彼岐社
命有殷國遷藏就岐何能依殷有惑婦何所譏受賜茲
醢西伯上告何親就上帝罰殷之命以不救師望在肆
昌何識鼓刀揚聲后何喜武發殺殷何所悒載尸集戰
何所急伯林雉經維其何故何感天抑墜夫誰畏懼皇
天集命惟何戒之受禮天下又使至代之初湯臣摯後
茲承輔可卒官湯尊食宗緒勳闔夢生少離散亡何壯
武厲能流厥嚴彭鏗斟雉帝何享受壽求多夫何長中
央共牧后何怒逢蠲蛾微命力何固驚女采薇鹿何祐比
至回水萃何喜兄有噬犬弟何欲易之以百兩卒無祿
薄暮雷電歸何憂厥嚴不奉帝何求伏匿穴處爰何云
荆勳作師長悟過改更我又何言吳光爭國久余是勝
何還穿自閭社丘陵爰出子文吾告堵敖以不長何試
上予忠名彌彰

遂古篇

江文通

僕嘗爲造化篇以學古制今觸類而廣之復有此文兼
象天問以遊思云爾聞之遂古大火然兮水亦溟滓無
涯邊兮女媧煉石補蒼天兮共工所觸不周山兮河洛
交戰寧深淵兮黃炎共鬪涿鹿川兮女岐九子爲氏先
兮蚩尤鑄兵幾千年兮十日並出堯之間兮羿廼斃日

事豈然兮常娥奔月誰所傳兮豐隆騎雲為靈仙兮夏
開乘龍何因緣兮傳說託星安得宣兮夸父鄧林義亦
艱兮尋木千里烏易論兮穆王周流往復旋兮河宗王
母可與言兮青鳥所解路誠置兮五色玉石出西偏兮
崑崙之墟海此間兮去彼宗周萬二千兮山經古書亂
編篇兮郭釋有兩未精堅兮上有剛氣道家言兮日月
五星皆虛懸兮倒景去地出雲煙兮九地之下如有天
兮土伯九約寧若先兮西方蓐收司金門兮北極禹強
為常存兮帝之二女遊湘沅兮霄明燭光向焜煌兮太
一司命鬼之元兮山鬼國殤為遊魂兮迦維羅衛道最
尊兮黃金之身誰能原兮恒星不見頗可論兮其說彬
炳多聖言兮六合之內心常渾兮幽明詭性令智昏兮
河圖洛書為信然兮孔甲豢龍古共傳兮屯山時防風處
隅山兮春秋長狄生何邊兮臨洮所見又何緣兮蓬萊
之水淺於前兮東海之波為桑田兮山崩邑淪寧幾千
兮石生土長必積年兮漢鑿昆明灰炭全兮魏開濟渠
螺蚌堅兮白日再中誰使然兮北斗不見藏何間兮建
章鳳闕神光連兮未央鐘簾生花鮮兮銅為兵器秦之
前兮丈夫衣絲六國先兮周時女子出世間兮班君絲
履遊太山兮人鬼之際有隱淪兮四海之外孰方圓兮
沃沮肅鎮東北邊兮長臂兩面赤乘船兮東南倭國皆
文身兮其外黑齒次裸民兮侏儒三尺並為鄰兮西北
丁零又烏孫兮車師月支種類繁兮馬蹄之國善騰奔
兮西南烏弋及罽賓兮天竺于闐皆胡人兮條支安息

西海濬兮人迹所極至大秦兮珊瑚明珠銅金銀兮琉璃瑪瑙來雜陳兮碑礫水精莫非真兮雄黃雌石出山垠兮青白蓮花被水濱兮宮殿樓觀並七珍兮窮陸溟海又有民兮長股深目豈君臣兮丈夫女子及三身兮結膏反舌一臂人兮跂踵交脛與羽民兮不死之國皆何因兮茫茫造化理難循兮聖者不測况庸倫兮筆墨之暇爲此文兮薄暮雷電聊以忘憂又示君子

廣文選卷第五十四

江都葛澗校

廣文選卷第五十五

明通議大夫都察院右副都御史大庾劉節廣

設論上

解難

楊子雲

客難楊子曰凡著書者爲衆人之好也美味期乎合口一聲調於比耳今吾子乃抗辭幽說閑意耿指獨馳騁仁有亡之際而陶冶大鑪旁薄群生歷覽者茲年矣而殊不寤費精神於此而煩學者於彼譬畫者畫於無形弦者放於無聲殆不可乎楊子曰愈若夫閑言崇議幽微之塗蓋難與覽者同也昔人有觀象於天視度於地察法於人者天麗且彌地普而深昔人之辭廼玉廼金彼豈好爲艱難哉勢不得已也獨不見翠軒絳螭之